

三國職官表
一



三國職官表

二




三國職官表

三



三國職官表



242
1

三國職官表
一

洪飴孫
撰

中華書局

Y12
1

三國職官表 二

洪飴係撰

中華書局

Σ12
1

三
國
職
官
表

三

洪飴孫
撰

中
華
書
局

叢書集成初編

三國職官表 三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一
統一書號：一七〇一八·一五一

三國職官表序

史家以表志爲難。作史者如天文、律歷、五行、地理、河渠、食貨諸志。王侯、大事諸表。皆有專門之學。攷核之能。降而至於職官。惟期詳備而已。若三國時則不然。曹氏官制。名與漢同。而實變之。統而言之。祿秩則改爲九品矣。三公則廣爲五府矣。內則尙書侍中。別爲一臺。而不屬少府。中書祕書。創爲二省。而專典機宜。宮禁不主於光祿勳。更置殿中諸司。屯衛不歸於南北軍。別設領軍之職。司農管度支。而更領屯田。符節屬九卿。而轉爲臺主。公府之屬。增至百餘。軍師之名。偏列諸署。外則諸州屬於四征。而將軍忽爲方鎮。都督加於岳牧。而刺史僅號單車。典兵則征鎮安平之號。十倍於兩京。郎將則東西南北之稱。不止於三署。是則紛更升降。與漢大殊。古今名號之改移。兩晉南北朝之建置。實皆權輿於此時者也。而況吳蜀名因漢制。亦有異同。蜀猶略祖東京。吳則大形增省。此又攷三國職官者。但明承創。而體例已繁。豈能第求詳備乎。夫卽詳備之求。已有闕如之憾。承祚之史。旣略而不詳。世期之注。復雜而無準。上則班表劉註。存限制而不及後來。下則晉志宋書。志本朝而罕詳前代。躊躇其際。撰述爲難。夫言官制者。或因或創。班氏旣有成規。乃志典午者。略古漏今。蕪疏全無師法。攷古者。所以廢書而嘆也。飴孫幼聞庭訓。稍別體裁。搜采諸書。載離寒暑。欲踵家君疆域之志。以成此史一家之言。不揣蒙昧。爲職官表三卷。改志爲表。庶幾集三

國之異同。彙一時之體制大略。則踵前代者。因而不言。創一職者。有而必著。復參用公卿表之例。志其居官之人。將以驗此官之有無。記其遷轉之階。卽以較諸職之高下。公卿以下。可攷者。因並錄焉。明知去之。始當於史裁。顧書非附於正史者。亦遂列而存之。夫正統之說。創自習氏。定於紫陽。先蜀後魏。體方居正。顧魏制較詳。蜀官最略。以詳綴略。勢有不能。參校互稽。或當相諒。昔者鄭子通設官之學。聖人稱之。繼則應劭著漢官之儀。王隆爲小學之解。垂之於久。文獻足徵。區區之忱。私願竊比。且古人志職官者。其與諸志皆可會通。則此表之成。蓋欲使攷三國官制者。有所據依。未敢云有補於正史也。書成。爰攬其意而敘之。時在嘉慶甲子四月二日。洪飴孫述。

序

飴孫自束髮受經，卽好爲氏姓之學。既采補世本，越十年，粗畢，乃次而序之曰：自世本亡，而春秋之旨晦矣。自世本亡，而史官之法廢矣。夫春秋之旨，微而顯，志而晦，婉而成章，盡而不汙，懲惡而勸善，而世本有帝系及紀，以彰五德之運，有譜及世家及傳，以著治忽久暫之故，有居作氏姓諡法，以明是非美惡之效。疇者可勸，疇者可戒，讀此而春秋之旨，昭然如揭。然則劉向撰別錄，班固志藝文，以世本次春秋後，亦其宜也。夫世本，何爲而作乎？古者外史之職，奠繫世，辨昭穆，明天子諸侯世及之義，生則著其統，沒則定其諡，而諸侯之史，亦得有簡牘，以進退卿大夫之族姓班位，貴賤能否，列史相承，守而不失，蓋有以彰善癉惡，而使之交相警焉。防微杜漸，而使之不得爭焉。觀乎太史之記崔杼，知果之稱輔氏，周之史法，其可推而見矣。夫春秋爲編年，世本爲紀傳。太史公述世本以成史記，紀傳不自史記始也。自史記以後，史家始表古今，表游幸矣，志符瑞，志釋老矣，傳文苑，傳隱逸，傳寒儒，傳鬼神矣，無與乎治亂，無當乎褒貶，爭立名目，以相炫異，不知史記之意者，是不明世本之旨者也。不知世本之旨者，皆不明古史之法者也。吾故曰：世本亡，而史官之法廢也。夫能述世本者，於漢莫如司馬遷，於吳晉莫如韋昭。杜預章杜注。國語左傳。其世系並據世本。見本書。今世本亡，而三家之說猶存，其卽以此爲世本乎？吾未敢也。其竟以此爲非世本乎？吾不忍也。有者據

之。無者據三者而補之。加別焉可耳。夫古書存者日尠。漢唐遺文。學者猶思采錄。況世本爲三代之書。春秋之緒餘。史記之所本。不及今而哀集。其將誰埃乎。善乎劉子駿之言曰。與其過而棄也。毋寧過而存之。不惜蹈穿鑿之譏。冀以存古人之事。則鄙意存焉。時嘉慶龍集戊辰祀竈前一日。陽湖洪飴孫序。

編年。始於春秋。紀傳。創於史記。而史之體裁。尤莫重於表志。世本者。法春秋。而開史記表志之所繇仿也。或謂劉向撰。或謂宋忠撰。或且以爲出於邱明之手。忠一作衷。漢末五業從事。漢書藝文志注。不指何人。第云古史官。記黃帝以來。迄春秋時諸侯大夫。其說近之。古書日少。然全帙雖亡。而同時載籍。或未盡佚。於此有人焉。不惜歲月之久。搜采以還舊觀。豈非汲古者之快心。而承學者之急務乎。此洪子孟慈所以有世本輯補之作也。孟慈好學深思。實事求是。敦經悅史。枕藉有年。尤好世本之學。自羈貫就塾。卽留意是書。以司馬子長。韋宏嗣。杜元凱。皆能述世本。乃先取三家之說補之。次則諸經義疏。諸史論說。以及山經地志。姓纂均書。靡弗殫究。以資援證。越十年。而其書迺成。用志可謂勤矣。嗟乎。自黃帝以來。降而至於秦火。誠生民後一大變也。非特衣冠禮樂。渺不可追。卽遺文賸義。亦多殘闕失次。士生輒近。往往搔手蹠蹢。有前不見古人之歎。故得百近人書。不若得一古人書。從事於諸子百家之言。不若遊心於五帝三王之時。猶可想見帝王諸侯之統緒。氏姓居作之大凡也。世本之攸繫。顧不重哉。孟慈尊甫稚存編修。精於地理。編修有三國疆域志。孟慈則有三國職官表。又嘗爲歷代史目表。囊括諸史。瞭如指掌。幾不減鄙人

萬氏孟慈通達事理，體用兼優，屢困禮部試，以館勞選授湖北東湖令。之官之日，殷殷過訪，且言趙洪世親欲申昏姻之好，方期大有措施，乃甫至夷陵，未及一年，遽爾殂謝，傷已今。孟慈子文然奉其遺書乞序，余沈痼餘生，炳燭之明已無所及，唯念與編修爲中表兄弟，孟慈能續其學，世本又所顯門，乃不辭老病，泚筆書之，并使二表附以行世，以存洪氏一家之書。使後之讀者知造物雖靳孟慈循吏於生前，而不能奪其文苑之傳於身後也。

嘉慶屠維單闕良月之望，同里趙懷玉力疾序，時年七十有三。

吾黨之士自孟慈歿而輒然有志纂述者，瞠乎如失所依據，意銷沮而力不自前矣。孟慈志學既篤，博聞多識，加以強力兼人，夙夜不怠，其所欲爲者甚夥，如隋書經籍志攷證、漢書地理志攷證之類，凡十餘種，皆創手未就，其就者世本輯補三國職官表、史目表三種而已。世本輯補之成，以其稿請質于孫伯淵先生，遂留其齋中，孫後以其稿付江都秦氏刻之，遂冒秦名于原書前後，不易一字，但分卷不依原目，而漫爲三大卷，又于序中竄入數語以附其名耳。近世爲世本之學者頗夥，然多探摭殘碎，約略編次，雜而不貫，獨孟慈此書鉤稽義類，釐譌補闕，能使世本復還舊觀，用力甚至，有裨于承學之士甚大。秦氏既梓而行之，則好學者得家置一編，于孟慈之意當甚慰。蓋著書者期有益于世而已，豈必爭此名哉？予旣爲刻三國職官表、史目表，故并世本原序及收龔先生序刻之，以繫于後，亦使來者有攷焉。嗚呼，安得有志之

三國職官表 序

士取孟慈未竟之業，一一成之也。
道光二年十一月，李兆洛識于邗上。

三國職官表上

清 洪飴孫撰

魏。始於建安十八年。 相國。上公一人。第一品。通典載魏官品。今分列各官下。掌丞天子。助理萬機。漢書百官表。建安十八年。魏國初置丞相。二十一年。改爲相國。黃初元年。改爲司徒。甘露五年。復置相國。前後居是官者四人。	蜀。始於建安二十四年。 蜀曰丞相。章武元年。置建興元年。開府。軍國事無大小。皆聽裁決。諸葛亮薨。因闕。居是官者一人。	吳。始於建安五年。 吳曰丞相。黃武初。置寶鼎元年。分置左右。建衡中。復舊。居是官者十一人。
鍾繇。建安二十一年。由大理遷。華歆。延康元年。由御史大夫遷。黃初元年。改官司徒。 司馬昭。甘露五年。由大將軍遷。咸熙二年薨。 司馬炎。咸熙二年。由中撫軍遷。是年受禪。	諸葛亮。章武元年。由軍師將軍遷。假節。建興元年。開府。六年。敗於街亭。自貶三等。以右將軍。行丞相事。七年。復爲丞相。十二年薨。	孫劭。傳無除授年月。注引吳錄云。黃武初。由車騎長史遷。四年卒。 顧雍。黃武四年。由太常遷。赤烏六年卒。 陸遜。赤烏七年。由上大將軍遷。八年卒。 步騭。赤烏九年。由驃騎將軍遷。十年卒。本傳作十一年。 孫峻。建興二年。由武衛將軍遷。第大將軍。太

府屬。

中衛將軍一人。第四品。官品咸熙元年。司馬蜀無。
昭爲相國。相國府始置是官。宋志可攷者一人。

府屬。

平元年

孫綝。永安元年。由大將軍。是年誅。

濮陽興。永安五年。由衛將軍。元興元年。被誅。

被誅

陸凱。寶鼎元年。由鎮西大將軍。遷左丞相。建

衛元年

萬駿。寶鼎元年。由常侍。遷右丞相。鳳皇元年。卒。

卒

沈。天璽元年。見國山碑。氏無攷。

張梯。天紀二年。由軍師。遷。四年戰死。

府屬。

吳無。

龐會
龐德

驍騎將軍一人第四品官品 咸熙元年與中蜀無。

吳無。

衛將軍同時置。宋志

軍師祭酒無員第五品官品 建安三年武帝蜀所置同。亦名軍祭酒。案係陳壽避晉諱所改。 吳無。

爲漢丞相時初置。武紀 後因之。宋志云。志避晉諱。但稱軍

祭酒。案本書。又或稱軍謀祭酒。

董昭。武紀 建安十八年注。魏書。

射援。先主傳注。三輔決錄。

薛洪。同上

董蒙。同上

王選。同上

袁渙。同上。又本傳。

王朗。同上

任藩。同上

杜襲。同上。又本傳。